

Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XVII. No. 46

Private circulation

December 1, 2019

QUIZ 2019 ZATZOH HITÄ

by Thongginlian

Kiginni paita (November 23, 2019 ~ 1100-1600 hrs.) in Delhi Khri saptuam saina in Laisiangthou a kitaitehna (**Quiz-2019**) lamzangtak leh lohchingtak a zatzoh hita. Hiai hun manpha zatna ah Quiz master Unp. Khamminthang leh unaute Jangthang/Timothy Chongthu in hon makaih ua, fel mahmah uh. Hiai program pen tukum a ding a saptuam Work Plan (2019) a sepkhiaik dia geelkholhsa nanungpen ahi; Bible class exam ding (Dec.8) omlai chihlauh.

Zing lam hun in Sundayschool sinlai naupangte lasak a kidemna in hun kizang a, siamthei mahmah uh. Hiai kidemna a telte Beginner, Primary leh Junior sinlaite ahi uh. A vek un telkim sipsip theikei mahle uh hong kuanteng telvek ua, pahtakhuai petmah uh. Khristian late amau deihdeih sa a kidemna ahi. Pichingte sang a naupangte hihhoih zawk, pichingte'n i chiamteh ding a deihhuai khat, kidemnate ah tel siausiau uh. Role model a hon nei a hon tou-et uh i lamet lai in, eite etton tham ching in hong kidem uhi. 'Role reversal' kichi thil hoih lam hilou ahindan ngaihsun thak chiat ni.

Sunning in pichingte kitaitehna hun kizang a paikhawm mipite kuhkaltak in sunni tum in ki-omsuak. Piching kitaitehna ah Laisiangthou bung (Chapter) 75 (Ezra, Nehemiah, Esther leh Job) ki pansan a, chang (verse) 1895 pha hi. Kitaitehna a telte: **Bukna Khawpi** (un.Chingbiakkim & unp. Jamson), **Elihu** (un.Chiinngaihkim & unp.Kamkhenthang), **MS** (unp. Mungsuan & un.Sara Thiankim), **Esther** (un. Chingngaihlan & unp.Thongginlian), **Jehovah Jireh** (Un.Vungngaihkim & Miss Niangngaihluan, **Mordecai** (un. Rose Lalhoihching & unp.Thangbiaklan), leh **Khamuang** (un.Chingngaihluan & unp.Pausuanlian).

A masa in Bukna khawpi team in khawllou in dotna 50 dawngtou ziahziah ua, hunchiam minute 30 in dawngkhin hiau uhi. Tuamah bang in team chih in, abanban in, dotna 50 chiat kitang a, hunchiam sung a dawng khin manlou team khat kia om hi. Dotnate dawndan tuamtuam a bawl ahi a *Multiple Choice, Short Answers, Descriptive Answers, Who said What & to Whom leh Matching* ahi. Dotnate haksah mahmah pawl om mahleh baihlamtak a dawn ding leng tampi om...e.g Esther min dang bang ahia chih leh luhawm (empty headedman) bang chik Chiang in a pildia? Dawnna dik Hadassah [Esther 2:7] leh Sabiltung nou mihing a hong piang Chiang (Job 11:12) in ahi].

Sun dak 12 apan nitaklam dak 4 tan khawllou a kidemna neihzoh in singpi kidawn khawm a, nekding sang kine khawm a tawldam in Kiginni biakna ngak in mipi kitu khawm dipdep hi. Singpi leh sang hon thoh unaute Pauminthang & inkuante, Khamthianmung & inkuante leh Khaminthang & inkuan ten hihhoih uh. Unauten vualzawlina tamsem tang din i deihsak ahi.

Laisiangthou theihna a pichin lam manoh a kalsuanna ding in 2012 kum in Saptuam saina in Genesis pansan in Quiz ki kipan a, tukum in Job lai-bu tan ki tungta. Hun paisa a kalsuannate tomkim in hiai bang ahi. **2013** kum a khatna-**Jehovah Jireh** (un. Vungngaihkim leh unp.Thangbiakmang), nihna **Daniel** (Un.Nemngaihlian & unp.Thongsiandong). **2014 (July 29)** a khatna-**Jehovah Jireh** mah, nihna **Goliath** (unp.Pauminlan & unp.Samuel Pauliansiam). Kum **2015 (June 27)** a khatna-**Paul** (unp. Siamkhanluan) leh nihna **Aaron** (un.Chiinngaihkim & unp.Kamkhenthang). **2016 (July 9-10)** a khatna-**Makkedah** (unp. Sei Robert & unp.James Guite), nihna **Bethel** (un. Rose Hoihching leh unp. Thangbiaklan). **2017 (Aug.12)** a khatna **Bukna Khawpi** (un.Chingbiakkim & unp. Jamson), nihna **Benjamin** (un.Chingngaihlan & unp. Mungsuan). **2018 (Aug. 11)** kum a khatna-**Obadiah** (un. Rose Lalhoihching & unp.Thangbiaklan), nihna **Carmelites** (un.Chiinngaihkim & unp.Kamkhenthang).

2019 Quiz (Nov.23) result nitaklam biakna zoh in puankhiaik hi a **Esther team** khatna in pang a, **Mordecai team** nihna, **Bukna Khawpi** thumna ahi. A telte mark kinaih chikchik ngen ahinna ah hihhoih vek a chiamteh ahi. Sunday school sinlai naupangte result pek lehlam a **'Thu Tuam Tuam'** lak ah et theih ding. Kum bul apan saptuam Work Plan a zehtel a om, Quiz 2019 hunzek lamzangtak a hon zousak a honpi tawntung i biak Pa Pathian tawisang in om hen!. Hiai bang hun manpha hong tung ding kum 2020 Chiang a sutzop ahitheihna ding in kuapeuh in thumna leh ngetna ah loutel ni.

PLACE OF WORSHIP

UCI Building,
Sector - VI, RK Puram,
New Delhi - 110022

Phone No. 9953968807

website : www.cocdelhi.org

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Enkaitu : Jamson Guite

BIBLE CLASS

Class

Adult : Chinpau, Khenpi
Junior : Timothy & Robert
Primary : Ngaihulun, Biaknem & Minlun
Beginner : Vungngaihkim & Biakkim

Teacher

TOUPANI THILPIAK

Date - 20.10.2019 - ₹ 30,501/-

BIAKNA PROGRAM

Toupani' (1/12/2019)

Hun-uk thumna : Jamson

Lapi : Jamson

Thilpiak : Ginlian

Theihgigena : Thongginlian

Thugen : Gouminlal

Thumna : Jangthang

BIAKNA PROGRAM

Kiginni (7/12/2019)

Hun-uk thumna: Janglet

Lapi : Chinlunmang

Thugen : Timothy

Thumna : Mungmuanlian

Amun: UCI Building.

Sector - 6, RK Puram

BIAKNA PROGRAM

Toupani' (8/12/2019)

Hun-uk thumna : Janglet

Lapi : Chinlunmang

Thilpiak : Ginsuan

Theihgigena : James

Thugen : Jamson

Thumna :Khamthianmung

INN LEITHAK UH

☛ Muanhwaitak apan thutut kin-
gahdan in tunaizek in unaupa Kam-
muanlal-te innkuan in Vasant Kunj a
DDA-te inn zuakte ana tangkha ua
ana leithak uhi. Pathian vualzawlna
ahi chih i haihkei. Toupa thupha!

LAWMMAN HAWMNA OM DIING

☛ Quiz master-te apan thu kimu
dan in tuni in quiz a piching leh
naupang siampen hihna ngahte ki-
ang ah lawmman hawmna om diing
hi. Ngaklah huai mahmah.

THOUGHT OF THE WEEK

**Mizawngte leh tagahte tanvou humbit unla, panpih
beite leh tasamte tung ah hoih un. Amau migiloute
khut apan honkhia un (Sam 82:3-4).**

THU TUAMTUAM

HONG TUNG

☛ Kal masa a Guwahati leh Lamka
lam a zin unaupa Ginlian leh unaunu
Niangngaihching kal paita sintawpni in
Lamka apan in damtak in hongtungkik
nawnta uh. Damtak a hongtung theih-
man un i kipak uh.

☛ Unaunu Liannem leng kal masa
in Berlin, Germany apan in Delhi hong-
pai hi. Delhi ah unaupa Daniel toh om-
tadih phot diing uh hi'n kigen hi.

☛ Zanlam zek a Sikkim lam a unau-
pa Lambiaksang-te innkuan kiang lam
ah ana zinkhia unaunu H.Ngaihlun leh
a tanu miss Tiffany Hoihsang-te leng
damtak in Delhi hongtung kiknawnta
uhi. Amau leng dam a hongtung theih-
man un i kipak uhi.

☛ Lamka lam a naunei diing a va
pai unaunu Chingbiaklun w/o unaupa
Kham James leng kal paita sintawpni
in a tanu toh damtak in Delhi hongtung
kiknawnta uhi. Hun sawtpi nung a
damtak a mel kimuthei a i omman un i
kipak petmah uh.

HONG LAMBANG

☛ Zan kiginni in unaupa Goumin-
lal Mumbai a siamsin a om Lamka lam
pai diing Delhi ah hong lambang a tun
ilak uah omlel. Aman tukal in Lamka
lam hon zotsan diing.

ZINKHIA UH

☛ Zan kiginni in unaupa Nekk-
hothang leh unaunu Ngaihhoih-te'n
Guwahati lam zuan in honna zinkhi-
aksan uhi. Guwahati a unaunu dam-
louna toh kisai a zinkhia hi uh a
bangtan va om diing uh hiam chih
amau leng genthei nailou uhi.

ESSAY COMPETITION ZOH HITA

☛ Kal paita Toupani in tuailaite'n
essay competition ana zou hiauta
uhi. Tamkhop in gelh uh. Hoihlua!

THU TUAMTUAM

LEMTAN LOUH ZIAK IN

☛ Biakkhawmna mun ngeina pen
a lemtanloun nawn man in zan kigin-
ni biakna pen RK Puram a unaupa
Khamthianmung-te inn a zat in om hi.
Inntekte'n kiphaltak a inn hon zatsak
ziak un i kipak mahmah uhi.

DAMLOU

☛ Unaupa Samuel Thangdoulun
hitang khosik ziak in damlou in ana
om a office leng kaingaplou in ni bang
zah hiam ana om hi. Tun bel Pathian
panpihna toh office leng kaizou
nawnta hi. Kipahhuai lua.

☛ Thangliansang s/o unaupa jam-
son leng kal paita ningani zan apan in
hitang khosik ziak in damlou in ana
om hi. Damsiang taktak naikei mahleh
ahoihlah hita hi. A hong damsian-
g pah i deihsak uhi.

PAWTKHAWMNA OM

☛ Kal paita Toupani biakna zoh in
Delhi a hong kisanthak unaupa
Tawnsianpau-te inn ah edfcation
team makaih in pawtkhawmna om hi.
Mi kitamkei mahleh a hunkhop kipa
a nuam mahmah. Paikhawm teng in-
ntekte'n ann nesa in hon paisak ua
kipahhuai mahmah.

QUARTER MUHTAK

☛ Unaunu H. Ngaihulun in zanzek
in Moti Bagh ah quarter type-IV ana
muhtak hi. Tu a a-omna uh leng gov-
ernment quarter himahleh under sec-
retary ahih toh kiton in type -III apan
in Type -IV entitle in om hi. Sawt kivei
hetlou in hon ngahpah a kipahpih
huai mahmah.

EXAM OM DIING

☛ A hongtung diing Toupani chi-
ang in Bible class exam om diing. Thu-
manglou leh phengphi seselou in
kuapeuh in ngaikhok in i exam siausi-
au diing uh.